



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Verbo Dei Libri Tres

Helm, Heinrich

Coloniae, 1560

VD16 H 1736

De caeremonialibus praeceptis. Caput XXVI.

urn:nbn:de:hbz:466:1-30114

bus infligebant: & tuta mansit inter improbos innocentia. Nihilominus omnes istæ leges & iusticiæ imperfectæ erant. Nec iustificabant ex se, culpas laxando suorum obseruatorum, nec eos introduxerunt ad regnum cælorum: quod sola lex euangelica facit. Quia veritas & gratia per Iesum Christum facta est: de qua paulò inferius plura *Ioan. 1.*

De ceremonialibus præceptis.

Caput XXVI.

CAeremonias item varias Iudæis imposuit & præcepit Deus, quibus partim ab idolorum cultura, quæ omni mali radix & causa fuit, ad quam etiã propensissimi erant, reuocabantur: partim, magnum pietatis sacramentum redemptionis humani generis figurabatur. Quod & sancti propheta clarius prædixerunt. *Sap. 14.* *1. Tim. 3.*

Verum gens Iudaica, gens duræ ceruicis & contentiosa erat: rebellis, exasperans & incredula. Ideò ut metu peccatorum, mali retraherentur à malis, dura grauiæ & terroris plena præcepta iudicialia eis dedit, ut ex decursu illius legis multis in locis adparet. Lex autem ista iudicialis non iustis, sed iniustis posita est. Sicut mente captis aut uersis in furiam, ne ledant alios aut damno afficiant ligantur, & compedibus cohibentur. Sanis & modestis nihil tale infertur. Sed & si furiosi melius habuerint, sensus & ratio eis reddita fuerint, à vinculis absoluuntur & ut Nabuchodonosor in pristinum gradum & honorem restituuntur: Sic expertus medicus non sana, sed putrida, infecta, igne accensa membra, vrit, secatur, mordet. Sic malè habentibus dantur fucci amari: postquam conualescunt, non ita: Sic pueri, virgis & minis ad studia & virtutes æmulandas coguntur. At cum facti sunt viri, & euacuauerunt ea quæ sunt paruulorum, non sunt ampli-

Dan. 4.

Galat. 4.

1. Cor. 13.

ampli-

amplius sub tutoribus & actoribus: sed vltro æmulantur charismata meliora, propèsoq; animo per vias iusticiæ ambulant, & virtutis & Dei amore. Sic, sic pater misericordiæ, medicus animarum, doctor paruulorum, vt nobis vtile est quod ipse nouit, diuersa diuersis temporibus præcepta salutis dedit. Lex autem illa solis Iudæis data fuit.

Triplicia sunt legis præcepta. Caput XXVII.

A Triplicem verò hanc præceptorum legis differetiam disertis verbis in multis locis expressam legimus in biblijs sacris. Non est aliagens, dixit Moses, sic inclita, vt habeat ceremonias, iustaq; iudicia, & vniuersam legem, quod ad moralia præcepta quam ego hodie propono ante oculos vestros. Eandem distinctionem præceptorum, ferme sub eisdem verbis, habes clarissimè. Deut. 6. d. & 32. a. & 11. c. Exod. 13. b. Neemiæ 1. c. 9. c. Psal. 77. a. & Luc. 1. 2. Prolixitate vitandæ gratia, verba non descripsi in præsentiarum. Hanc distinctionem qui ignorant, de operibus legis lallant, sicut cæci de coloribus: idè turpissimè impingunt etiam in foribus & in luce clara. Et volentes esse legis doctores, non intelligunt, neq; quæ loquuntur, neq; de quibus affirmant. Ex lege ipsis data, cognouerunt iusti istius temporis, quæ esset voluntas Dei beneplacens. Hanc legem Iudæis Moses dedit: sed nemo eorum hanc legem fecit: In hac gloria riabantur, sed per eius præuaricationem, Deum inhonorabant, & nomen Dei per eos blasphemabatur inter gentes: Legebant prophetas, sed doctrinas eorum non custodiebant: Imò viuos prophetas & iustos odio iniquo oderunt, & gratis persequabantur & iniuste, sed mortuos honorabant et sepulchra eorum ædificabant.

Christus dedit euangelium, quod est lex amoris

Caput XXVIII.

Tunc